

INUIT ATAQATIGIIT

Inatsisartuni



UKA17/30
29. september 2016
Villy Olsvig

Uummannap talittarfiani aserfallatsaaliuisoqarnissaa ujaqqanillu nunniuk-kamik malinnut illersuusiortoqarnissaa pillugu FLL 19-imut salliutit-seqqullugit Naalakkersuisut peqquneqarnissaannik Inatsisartut aalajangiiffi-gisassaattut siunnersuut.

(Inatsisartunut ilaasortaq Jess Svane, Siumut)

Inuit Ataqatigiit sinnnerlugit aaliangiiffigisassatut siunnersuut qulaani pineqartumut qujalluta, matumuuna imatut oqaaseqaateqassaagut.

Inatsisartut ilaasortap Jess Svane-p Uuummaq-mi talittarfeqarnikkut aaqqiissute-qarsinnaanermik salliutitseqqusilluni aningaasanut inatsisissakkut kissaateqarneranik qutsavigiumavarput.

Umiarsualivinnut immikkoortumut pilersaarut Kalaallit Nunaanni 2016 – 2026-morrotoq naapertussagaanni nunatta sinerissuani annertuumik talittarfeqarnikkut aqqis-suussisoqarsinnaanissaa atuarneqarsinnaavoq.

Iluarsartuusseqqinnernillu suliaqartoqassaguni tamanna aningaasarpassuarnik naleqarsinnaanera aamma sukumiisumik eqqartuiffigineqarlunilu ilusilerniarneqartari-aqarpoq, pingaatumik ukiuni makkunani assartuutunik nutarterinermut naleqqussar-nissamut, tassanilu nunaqarfinnut assartuutissatut atorneqalersimasut takuti-innarunarpaat.

Taamaattumik talittarfeqarnikkut assartuinikkulluminnerunngitsumillu tunisas-siorfeqarnikkut/peqqumaasi-veqarnikkut ataqatigiissakkamik aqqqissuu-sisoqarsinnaaneranik eqqartuisoqarnissaa pingaaruteqarluinnarpoq.

Siorna 2016-nip naajartornerani Aalisarnermut Piniarnermut Nunalerinermullu ataatsimiisitaliaq Uummannaq-mut angalanerani takusinnaasimavarput nunatsinni illoqarfimmi qaleralinniarnikkut inuutsissarsiornikkut pingaaruteqarfiulluartumi talit-tarfeqarnikkut aammalumi talittarfeqarfiup qanitaani tattooriunnermik aalla-veqartumik qanoq ajornartorsiortigisoqartoq.

Inuutissarsiortortatta aalisartut piniartullu inuutissarsiorniarnermi angallataannut annertuumik nalitusarunartumik talittarfeqarfinni tattorliuttoqarpoq, angallatimmi aalisartunik piniartunik pigineqartut pisiarineqarneranni nalitupput, talit-

tarfeqarnikkullu ajornartorsiuteqarnerup kingunerisaanik aserfalatsaaliuinnermut anertuumik naleqartarsimassallutik piginnittuminnut.

Ilaatigullumi tikiqqarsinnaalerpoq angallatit nalituut akileraartarnikkut nalikilliliiffiqineqartarneri, assersuut glasfiberi-mik umiatsialiatsoorlu Poca imaluunniit Nuummit angallatinut qisunnik imaluunniit saviminernik sanaanut naligiilluinnarlugit ukiumut nalikillilerneqartarmata, naak siunnersuuteqartup tamakku tikiqqikkaluarai taamaatorli pingaaruteqarmata aamma eqqaaneqarsinnaanissai

Talittarfeqarnikkut tattorliunnermi ajornartorsiut angallatinik piginnittunut aserfallatsaliuinnikkut nalitusarsimanissaa takorloorneqarsinnaalluarmat naalakkersuisut qanoq akileraartarnikkut nalikilliliisarnikkut qanoq takorluukkarsaaruteqarnerisut imaluunniit aqqiissuteqalersarnerisut paaserusunnarput ?

Aalisarnermut Piniarnermut Nunalerinermullu ataatsimiisitaliaq angalanerata kingorna § 37 ulloq 06. juni 2017 umiarsualivinnut immikkoortumut pilersaarut Kalaallit Nunaanni 2016 – 2026-mi naapertorlugu Uummannaq-mi talittarfeqarfiit pingasuusut aallaavigalugit apeqquteqaateqarfigisimavakka, akissuteqaallu tingusisimasara ilaatigut imatut ilaqartinneqarpoq, "150-05-imut (Aalisariutinut talittarfik) tunngatillugu 2017-imi ukiaanerani aserfallatsaaliuinissamut isumassarsianut isummernissamut tunngavissiaq suliarineqassaaq. Tamanna soorunami atuisut, matumani annertun-erpaartaanni tassaasoq Royal Greenland, oqaloqatigalugit pissaaq. Namminersorlutik Oqartussat tungaanniit maannakkorpiaq nunami nunaminertanik annertusititsinissaaq pilersaarutigineqanngilaq."

Taammaatumillu naalakkersuisoq neriorsuutaa naapertorlugu sunik takussutissaasinnaasunik nutarsiassaateqarnerisooq.

Nunatta sineriaanni tunisassiarineqarsinnaasut aammalumi peqqumaasiveqarnikkut minnerunngitsumillu tunisassiat assartorneqarsinnaaneri sulisussaqaarniarnermut tungasut ataqatigiissaarneqarlutik sanaartorsinnaanikkut ineriartortitsisoqarsinnaanissaa kaammattuutigerusunnarpoq.

Uummannaq-p sulua pinngortitarsuup aallaavigisaanik tunisassiorfeqarnikkut anertuumik eqqorneqarnikuuvoq, tunisassiorfiimmi marluk aammalumi toqqorsiveqarnikkut qerititsiveqarnikkut annertuumik inuutissarsiornikkut sunniuteqarsinnaasumik allanngortoqarnikuuvoq, taakkulumi qaqugugaluarnerisooq atoqqilersinnaaneri tamatta nalulluinnarparput, imaassinnaalluarmammi ukiorpassuit ingerlasinnaaneri..

Maannalumi nunannguarput ukiarsaalerpoq tamaattumik Uummannaq-p suluani toqqorsiveqarnikkut qanoq upalungaarsimanersut aammalumi tunitsiveqarnikkut qanoq tamakkiinerusumik tunisassiorsinnaanissaaq eqqarsaatiginerullugu naalakkersuisut ukiunerani takorluukkarsaaruteqarnerisut paasisaqarfigissallugit pingaaruteqarpoq.

Naggataatigut siunnersuuteqartoq taperserlugu Uummannaq-mi talittarfeqarnikkut ajornartorsiutinik sukumiisumik aqqisoqarnissaa siunertaralugu makku

- Talittarfeqarnikkut tamakkiisumik aqqiisoqarnissaa

- Mallinut illersuutaasinnaasumik nuuliasinnaasumik sanasoqarnissaa
- Talittarfeqarfimmi nunaminertanik atuinermi tattuulliornerit qaangerniarlugu aaqqiisoqarnissaa,
- Peqqumaaseveqarnikkut (qerititsiveqarnikkut) aaqqiisoqarnissaa Uummannaq-mi aammalumi Ukkusissani taamatuttaarlu Ikerasak-mi.

Konto pingarneq 87.73.12 Umiarsualivinnut talittarfinnullu aningaasaliissutit (Sanaartornermut aningaasaliissutit) aningaasaliissutissartai siunnersuuteqartup oqari-artuutaani amigangajappulluunniit ilaatigullu Qasigiannugit-ani talittarfik annertuumik aamma aappaagu pitsanngorsarneqarnissaanik siunnerfeqartoqarnikuulluni.

Aningaasanut inatsisissakkut aatsaat 2019-nimi siunnersuuteqartup kissaateqarnera siuaallattinneqarsinnaannginnersoq Inuit Ataqatigiit-niit kaammattuutigerusunnarpoq.

Taama oqaaseqarluta siunnersuut tunngaviatigut taperserparput ataatsimiisitaliamullu susassaqarfimmini aappassaaneerneqartigani suliarineqassasoq inassutigaarput.